

兩浙金石志

兩浙金石志卷十七

揚州阮元編錄

元修蕭山縣儒學碑

重修蕭山縣儒學記

承務郎杭州路富陽縣尹致仕吳興倪淵謨

朝列大夫同知袁州路總管府事趙孟書

正議大夫前慶元路總管兼管內勸農事范護都篆額
人才風俗天下國家之元氣古之聖人君師億兆莫不以
育人才正風俗爲先故司徒典樂之官設學校庠序之制
立人生斯時仁漸義摩禮融樂化在位者無未成之材在
野者無不教之民卒能陶成虞夏商周泰和之治世至春

秋僖公修泮宮子產不毀鄉校論者美之戰國之際談說
紛紜矣干戈擾攘矣而慈母遷居深以近學宮習俎豆捐
讓爲喜學之有益於人如此漢唐以來非不聞置博士弟
子若干員增廣學舍若干區顧其爲教不本之德行道藝
而惟訓詁詞章是務人才風俗之不古則亦奚咎

皇元啟運文教誕敷市廛闐闐窮山深谷遐荒遠徼學院
溢於郡縣常制不可勝數

綸音頒布必命風憲勉勵之守令敦勸之諄諄然不少置
德意至矣紹興路蕭山縣當元統甲戌之春天大雨雹壞
官廨民廬十八九幸學之

大成殿巋然獨存四三年來弗克葺治日以摧敗後至元

戊寅 內崔侯嘉訥來令茲邑慨念

先聖綱常之主朝廷教化之宮崇奉弗嚴何以示民所趨
向於是計學廩之舊儲節浮費收宿逋掄材度庸不資於
士不役於民教諭天台趙公孟善暨邑耆士董之始作於
是年之春畢工於明年之冬禮殿翼翼論堂耽耽靈星嚴
竦泮水潔清從祀之像冕黻 肄業之齋窓几靜好垣
墉丹雘倉庖漏莫不完整侯之爲是豈直以觀美哉誠
爲令者之宣 上德化莫此爲急而獄訟賦租簿書期會
特餘事耳蕭山西瞰浙江潮汐之雄放東攬會稽巖壑之
奇秀英材雅德前後相望昔者龜山先生楊文靖公嘗宰
於茲其爲程門主敬窮理修己治人之學先輩當有其

傳者矧今科舉之制復行後生

能翕然興起以應

賢令作新之意雖然先生之言曰舜跖之分善利而已使世無科舉而不學如是而不爲跖之徒也幾希斯言深有警於吾黨士之爲善固不待科舉之復第講之熟鮮有不以利爲善者今而後學之博問之審思之慎辨之詳而善無不明意之誠心之正身之修家之齊而善無不得一鄉皆善士矣以至於一邑皆善士焉人才之多風俗之美不期於治而自治矣邑士重侯之嘉惠於我求文以記之余謝不敏而請之不已惟崔侯可以爲凡縣令者法不固以鄙陋辭邑之士當知侯之修學不區區望於歸美其功所望者亦猶先生之意欲邑之士皆爲舜之徒也尙有以勉

之若學之創始遷易顛未前記已悉茲不贅

至正元年二月

日記

古汴趙良魁鐫

右碑文二十六行正書在蕭山縣學文云元統甲戌
之春大雨雹壞官廨民廬十之八九元史順帝元統
元年三月戊子蕭山縣大風雨雹拔木仆屋頗與碑
合惟甲戌爲二年史則爲元年耳楊文靖公以政和
二年任宋史云知蕭山有惠政民思之不忘崔侯嘉
訥以至元四年任又見覺苑寺興造碑

元揔管宋文瓚去思碑

紹興路總管宋公去思碑銘

并序

奉政大夫江淞等處儒學提舉黃潛撰

徵事郎前江西等處行中書省管勾 發架閣庫趙宜

浩書

承德郎紹興路總管府推官申屠駟篆額

至正二年南陽宋公守越之又明年也其年春

廷議以山東鹽筴之利經費所資擇可爲都轉運使者無
以易公遂特命焉越之士民以去

天遠無從上借留之請求紀公善政以表去思始公之至
知以師帥自任大治其廟學而一新之潛幸獲執筆志歲
月它善政本末宏大懼未易論述辭至再而其意愈堅且
曰子嘗有職業於太史氏必子言乃可傳潛不得卒辭也

越東南爲雄藩公下車甫二十閱月而恩威並施事無不理去而使人優於才具閑於政體何以至是哉

蓋民之有役自古而然今之患在乎力不稱事不均耳前
役於坊隅者其一隅四季各以三人公則增爲七人役
於州縣者其一都亦增至十有五人而力不患其不稱矣
先大家次商賈又其次寺觀之有羨田者俾分任役事三
歲而一周則復以次受役事不患其不均矣簿書期會
有當追逮程督者悉用例設牌限未嘗輒遺一卒州縣視
以爲則民用弗擾城酒榷歲爲錢七萬五千餘緡始嘗
驗其物力以爲高下而厯歲茲登耗不齊無徵而當代
輸者居之六公令止以見說肆之家第其等級日斂而

月解人皆便之郡民歲食鹽二萬餘引貧而失業者窘於
數買富而

迫於應辦民力已竭而官賦未充公
之至也首入錢買家人所食鹽以口計者二十餘於是僚
佐暨掾曹屬部莫不計口入錢而有司所覈民間戶口

實者舊法鹽一引官價百五十緡袋索十緡而已今
乃使赴倉納正價二百緡官

其四之三如故而富商大
賈坐取其一公言於行省請止具官價受引運司尋得請
給引六百後遂踵而行之民力以紓瀕海轉漕官糧爲患
尤大先是其千夫長 茂有司倍取斛面且縱市井無賴
恣爲攘竊莫敢與之

米九萬餘石而折閱者五千
餘石責償於郡及其倉之官攢斗級有弗能堪而致疾以

死者公旣至首正攘竊之罪且親總其出納嗣歲爲千夫長者

省檄去復踵故習以逞公發擿其過白于行省薄責之乃帖伏所運米四萬三千餘石訖免折關郡學故有宋丞相史越王所創義廩爲田三千畝家及賢之後無以具婚喪之禮者予米五石比歲不以時給而又有剋取之弊其挾勢要而來者乃濫予而莫之禁公爲考正舊規擇善士司其事人多賴之細以淫雨害稼不能自食公謂天災流行貧富同之勸分固善或者吏得舞手其間則貧者未蒙其利而富者先受其病矣乃用權宜假常平義倉所儲

潦旣除而繼以旱公聞有龍湫在山陰號銅井將往禱焉吏白地勢幽阻請無往公弗聽躬

詣其處俄有靈物蜿蜒現水中雨隨至三日而止歲則大

民一本於仁愛然嫉惡最甚往時黠胥健卒率共

漁獵其民豪右或武斷鄉曲部使者繩以法而猶不悛軍

伍恃非所統尤暴橫公先揭榜諭之使自稔惡者

乃痛懲之無少貸仁和縣以僞鈔誣山陰縣民及寺僧數

十人公燭其姦斥去持文書白狀於帥閫及浙東西

憲府以杜其方來海濱多盜會稽縣繫刼殺商主者一十

餘人公奉

朝旨督捕殺掠官民船者所獲又五十餘人皆先窮竟其
情乃以付所司並緣攀引之害遂絕田里以安於是

上方命分宰臣出臨江瀾公以治最特見委任至於和市

官段閱視公庫剔除宿蠹尤多蘭亭書院在郡西南二十里所晉人稷飲故處也公以爲右軍墨妙世所貴重羣賢所述人鮮知之乃捐俸資重刻龍眠李氏所圖及詩以傳公之餘力有以及此其政事之整暇可見矣公名文瓚字子章世居南陽府之裕州累掾臺省由浙西憲司經歷遷江淞行省左右司都事入爲兵部員外郎歷左右兩司都事拜監察御史遷中書左司員外郎出爲江淞行省郎中召除大宗正府郎中進禮部侍郎改同僉儲政院事上擢杭州路總管踐敷中外績用甚著潛竊惟昔之美伯誦子者直於其所治之國指一時之事以爲言故潛於公之善政它弗皆叙獨叙越人所稱道者繫之以詩用慰

其思云銘曰

帝奠八紘周綏以仁孰承孰宣用康我人巖巖會稽作鎮
南服維時宋公克宅乃牧德

達士類嚮風曰有師帥

新美之功民吾同胞爰求其瘼役歸乎平歛從乎薄或倚
其法以削吾民指則在臂由公屈伸征權之豐灌輸之裕
國計弗虧民病亦去弭災拯荒公不憚勤光揚義舉彌久
益振猛以濟寬陽開陰闔巨猾旣除羣姦震聒意所不顧
萬夫莫回窾卻之間游刃恢恢獄無蔓延徒不株 接榘
析楊拙寘弗用政清民寧乃息乃游詠彼舞雩追踪前修
嫵譽流聞上徹宸扆鋒車在門公去不止惟古循吏所云
見思千載而下公尙似之酌於民言勒茲樂石匪今斯今

式示無極

至正二年三月 日越郡士民立石

右碑在紹興府學文卅四行正書字徑八分額篆書
紹興路總管宋公去思碑十字徑三寸餘碑載宋文
瓚於後至元六年爲紹興路總管興利除弊特見一
時碑文出黃文獻公手筆文獻與同郡柳貫臨川虞
集豫章揭傒斯齊名號爲儒林四傑洪筠軒頤煊云
王佐格古要論周府蘭亭稊圖蓋摸李公麟所畫比
山陰稊圖稍細密又云今浙江紹興府山陰縣自國
朝洪武中有蘭亭流觴曲水圖石本流傳於世未知
何時人刻蓋未見此碑也宋刻本今亦不傳

元覺苑寺興造碑

蕭山縣覺苑寺興造記

中大夫蘄州路總管兼管內勸農事趙箕翁撰

亞中大夫紹興路總管兼管內勸農事泰不華題額

儒林郎松江府推官趙宜浩書

覺苑僧有成介其邑士張君壆來請曰師志堯上人嘗搏
衣鉢之羸新作寺門矣又作圓通閣於圯廢之餘閣成而
師示寂懼無以垂戒來世請爲之記以昭示不朽焉余受
言而作曰蕭山古永興緊邑覺苑爲江文通宅南齊建元
二年文通之子昭玄捨宅爲寺距今九百有餘歲矣迄唐
及宋易昭玄爲昭慶香火不泯治平三年再易覺苑之名

吳越錢氏嘗綱紀而興造之矣迨熙寧初可榮法師作千手眼大悲菩薩閣錢唐沈遼爲之記一時壯麗爲杭越往來偉觀至大德十年丙午歲寺耆舊德彌闡閣爲三楹以閔其規元統二年甲戌春風雹大振閣竟摧仆時有榮師像寘閣之北甃墉內固勢必壓焉已而視之像在閣外林下若神物擁護之者志堯於是傾貲囊市材鳩工大建傑閣邑令崔侯嘉訥聞而是之廼相其役經始於至元三年丁丑歲十二月踰季而告成翼跂翬飛過者洞心駭目視舊益崇敞矣始余以公事至覺苑見堯上人塵衿淖屨敦匠於門語余以興作故余喜而復之曰勉爲之余記無難者及茲再至十又七年矣門與閣皆巋然堯不可復見俛